

non minus actu & potentia, *gloss. in c. quoniam, distinct. 10. verb. discrevit, Covarruv. in cap. peccatum, part. 2. §. 9. num. 7. Bodin. lib. 3. de Republ. cap. 3. num. 227. Quàm alios cujusvis Ecclesiæ antistites ex sui officii natura, jurisdictione seculari carere plausibilius videtur, Bodin. d. loco, Petrus Gregor. Tholos. syntag. part. 3. lib. 50. cap. 12.*

PRACTICORVM OPINIO.

Hic multa jam occurrerent repetenda, quæ magis in tractatum excederent, quàm ut brevis admonitionis loco sint. Sed paucis percurramus. Et de Majestate Imperatoria dubium non est, utpote cum in jure divino Dii vocentur magistratus, id quod de interpretatione juris multò magis excellentia inspecta ad summam Majestatem referri potest, quæ & ideò legibus soluta dicitur, quia superiorem in hisce terris non agnoscit. Unde Poëta:

Juppiter in cælis, Caesar regit omnia terris:

Divisum imperium cum Jove Caesar habet.

Atque ideo etiam magis propriè in solum Imperatorem crimen læsæ Majestatis committitur. Accommodatione postmodum & interpretatione res eò devenire solet, ut non tantum Imperatores Dii, sed & alii magistratus dicantur, qui similiter crimen læsæ Majestatis sibi vindicant, *arg. l. 9. ff. hoc tit.* sic tamen quatenus aliàs crimen illud maneret impunitum, & sicut pœna adhuc mitior sit. Nam & lex Julia *de adult.* simul stuprum punit, sed non eadem pœna. Similes sunt multæ leges. Eadem ratione ex interpretatione Decalogi sub præcepto 5. 6. & reliquis, etiam cogitationes veniunt, quæ tamen ibi non exprimuntur. Quo fine & alii Principes titulo utuntur: *Wir von Gottes Gnaden.* Imò interdum Sacerdotes scribunt: *Von Gottes Willen/ &c.* Quid, si de jure divino quæreretur, fortè facilius tolerari posset, quàm de jure huma-